



Broj predmeta: 05-000340/24
Broj akta: 01.1-1528ZN-0007/24
Datum, 24. 7. 2024. godine
Mjesto, Brčko

Na osnovu člana 10a. Zakona o pravnim licima koje osniva Brčko distriktu BiH („Službeni glasnik Brčko distrikta BiH“, broj: 10/02, 19/07, 2/08, 3/19, 30/20, 10/22, 30/22 i 31/23), gradonačelnik objavljuje

**JAVNI KONKURS
ZA IZBOR KANDIDATA ZA IMENOVANJE ČLANOVA
UPRAVNOG ODBORA RADIO-NOVINSKE I IZDAVAČKE USTANOVE „RADIO BRČKO“
BRČKO DISTRIKTA BiH**

Javni konkurs se objavljuje za izbor kandidata za imenovanje **pet članova Upravnog odbora Radio-novinske i izdavačke ustanove „Radio Brčko“** Brčko distrikta BiH. Upravni odbor Radio-novinske i izdavačke ustanove „Radio Brčko“ Brčko distrikta BiH imenuje se na period od 4 godine, uz mogućnost ponovnog imenovanja, s tim da isti članovi ne mogu biti imenovani više od dva puta uzastopno.

U Upravni odbor Radio-novinske i izdavačke ustanove „Radio Brčko“ Brčko distrikta BiH mogu biti imenovana najviše tri člana iz reda državnih i javnih službenika zaposlenih u organima javne uprave i institucijama Brčko distrikta BiH.

Nadležnost, prava, obaveze i odgovornosti Upravnog odbora:

Utvrđeni su Zakonom o pravnim licima koje osniva Brčko distriktu BiH („Službeni glasnik Brčko distrikta BiH“, broj: 10/02, 19/07, 2/08, 3/19, 30/20, 10/22, 30/22 i 31/23), Statutom Radio-novinske i izdavačke ustanove „Radio Brčko“ Brčko distrikta BiH, broj: 01-488/21, od 29. 12. 2021. godine i Poslovníkom o radu Upravnog odbora Radio-novinske i izdavačke ustanove „Radio Brčko“ Brčko distrikta BiH broj:01-512/21 od 30. 12. 2021.

Opći uslovi:

- da je državljanin BiH,
- da je punoljetan,
- da nije obuhvaćen odredbom člana IX. stav (1) Ustava BiH,
- da je zdravstveno sposoban,
- da ne postoji sukob interesa u smislu odredbi Zakona o sukobu interesa,
- da nije pravosnažnom sudskom presudom osuđivan za vršenje krivičnih djela i da se protiv kandidata ne vodi krivični postupak, izuzev krivičnih djela iz oblasti saobraćaja,
- da nije direktor drugih pravnih lica koje osniva Brčko distrikta BiH ili direktor javnog preduzeća,
- da nije u radnom odnosu u Radio-novinskoj i izdavačkoj ustanovi „Radio Brčko“ Brčko distrikta BiH,
- da nije u upravnom odboru drugog pravnog lica koje osniva Brčko distrikt BiH ili javnog preduzeća.

Posebni uslovi:

- da ima visoku stručnu spremu,
- da ima najmanje pet godina radnog iskustva nakon sticanja visoke stručne spreme.

Kandidati koji su zainteresovani za imenovanje za člana Upravnog odbora podnose prijavu na Javni konkurs u koju su dužni unijeti tačne i istinite podatke, potpisati prijavu i dostaviti lično u zgradu Vlade Brčko distrikta BiH – Bulevar mira br. 1, šalter broj 6, najkasnije do **9. 8. 2024. godine do 15.00 sati**, a ako se prijava dostavlja putem pošte, šalje se na adresu: VLADA BRČKO DISTRIKTA BiH – Odjeljenje za stručne i administrativne poslove – Pododjeljenje za ljudske resurse – Bulevar mira br. 1.

Javni konkurs je otvoren od dana objavljivanja i traje do 9. 8. 2024. godine.

NAPOMENA: Komisija za izbor kandidata za članove Upravnog odbora Radio-novinske i izdavačke ustanove „Radio Brčko“ Brčko distrikta BiH vršit će selekciju kandidata na osnovu podataka iz prijave te sačiniti izvještaj o selekciji kandidata i utvrditi termin intervjua. Kandidati koji do dana zatvaranja konkursa ispunjavaju uslove utvrđene javnim konkursom bit će obaviješteni o terminu i mjestu intervjua **ISKLJUČIVO PUTEM SLUŽBENE INTERNET STRANICE** Vlade Brčko distrikta BiH (www.vlada.bdcentral.net).

Za diplome koje su stečene u inostranstvu nakon 6. 4. 1992. godine potrebna je nostrifikacija.

Potpisana prijava na Javni konkurs za izbor kandidata za imenovanje članova Upravnog odbora Radio-novinske i izdavačke ustanove „Radio Brčko“ Brčko distrikta BiH, ukoliko je pravovremeno podnesena važi samo za navedeni javni konkurs.

Nakon obavještenja Komisije za izbor kandidata za imenovanje članova Upravnog odbora Radio-novinske i izdavačke ustanove „Radio Brčko“ Brčko distrikta BiH, kandidati koji su utvrđeni kao najuspješniji dostavljaju dokumenta kojima dokazuju tačnost podataka kojim se potvrđuje ispunjavanje općih i posebnih uslova.

Obrazac prijave može se preuzeti na infopultu u zgradi Vlade Brčko distrikta BiH i na web stranici Vlade Brčko distrikta BiH (www.vlada.bdcentral.net).

Nepravovremeno prispjele prijave neće biti razmatrane.

Sve informacije u vezi s Javnim konkursom mogu se dobiti na telefon broj: 049 / 240-654.

Javni konkurs je objavljen na web stranici Vlade Brčko distrikta BiH (www.vlada.bdcentral.net), i na oglasnoj ploči Vlade Brčko distrikta BiH.

GRADONAČELNIK
prim. dr. Zijad Nišić